

## **Theologia Scholastica Secundum Viam Et Doctrinam D. Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. II. Examinatur contrarietas vitii cum virtutibus infusis.

---

[urn:nbn:de:hbz:466:1-74152](#)

## ARTICULUS I.

*An vitium contrarietur virtuti?*

## SUMMĀRIA.

1. *Datur propriè dicta contrarietas inter vitium & virtutem acquisitam.*
2. *Quomodo virtus in medio?*
3. *Bonum & malum opponuntur & privative & contrarie.*
4. *Quomodo unum uni contrarietur?*
5. *Triplex opinio de contrarietate vitii cum virtute.*
6. *Vitium virtutis infusa non directe,*
7. *Sed indirecte opponitur.*
8. *Diversa motiva non semper tollunt contrarietatem.*
9. *Quandōcum habitus contrarii possint in gradibus intensis simul consistere.*

## §. I.

*Contrarietas vitii cum virtute acquisita.*CONCLUSIO. *Vitium opponitur virtuti contrariae propriè dictū S. D. q. 7. a. I.*

Ratio est: Contraria propria sunt, quæ sub eodem genere maximè distant, seque ab eodem subiecto mutuò expellunt: sed virtus & virtutis in genere moris & qualitatis maximè distant, nam virtus secundū Philosophum in 7. phys. est dispositio perfecti ad optimum, vitium autem juxta D. Aug. L. de perf. just. c. 2. est qualitas secundū quam malus est animus. Insuper sese mutuò ab eodem subiecto expellant: neque simul consistere possunt in gradibus intensis: neque enim simul aliquis est temperans, & intemperans, sed vel per actus frequentatos fit ex intemperanti temperans, vel per actus oppositos fit ex temperanti intemperans. Ergo vitium & virtus propriè contrariantur.

Dixi tamen in genere moris vitium & virtutem maximè distare: quia licet duo viae extrema, v. g. prodigalitas & avaritia à se invicem magis distent, quam à virtute liberalitatis in genere physico, non tamen in genere moris, & sub consideratione honesti, vel in honesti; si enim utrumque vitium continetur sub genere in honesti, dum contra virtus liberalitatis pertinet ad lineam honesti.

2. Dices primò. Virtus etiam in genere moris spectata consistit in medio: sed extrema à se invicem magis distant, quam à medio: ergo virtus etiam in genere moris à se magis distant, quam à virtute.

Respond. Virtus in genere moris spectata consistit in medio, connotativè [hoc est, in quantum ex parte objecti & materia], circa quam versantur, connotat medium inter excellum & defeculum] concedo; subjectivè & formaliter [quasi ipsa in se foret media inter utrumque vitium] nego: sic quippe utrumque virtutum extremum constituit unam adæquatam in honestatem, virtutis adæquate honestati oppositionem.

3. Dices secundò. Inter bonum & malum non est oppositio contraria, sed privativa, siquidem malum formaliter dicit absentiam bonitatis debitis: arqui vitium & virtus ubi opponuntur ceterum.

bonum & malum: ergo inter illa non est oppositio contraria, sed privativa.

Respond. disting. major. Bonum & malum secundū abstractam rationem mali sibi privative opponuntur, concedo; secundū concretam rationem mali, nego: ergo virtus & virtutis privative opponuntur, secundū abstractam rationem virtutis statim, concedo; secundū concretam, nego consequentiam. De quo mox plus.

Dices tertio. *Uni non nisi unum contrarium.* inquit Philosophus 10. Metaph. tex. 17: aqua virtuti opponuntur duo extrema vita: ergo, si virtus & virtutem non est vera & propriè, si contrarietas.

Resp. Unum uni contrariatur secundū rationem concedo; secundū alias & diversas, si in se plures includat, nego. Cum igitur virtutis adæquatum motivum plures indiquatas includat, quarum unā prohibetur excessus, alterā defectus, nihil obstat, quinduplici via contrariari possit.

## §. II.

*Examinatur contrarietas vitii cum virtutibus infusi.*

Circa contrarietas vitii cum virtute infusa triplex est Doctorum opinio. Prima negari eijsmodi contrarietatem, quam tenet S. Curiel, & Lorca in ps. disp. 2. Secunda docere oppositum, cui favent Zumel, & Alvarez, diff. 22. Tertia ex hypothesi, quod habitus infusi non tantum dent simpliciter, sed etiam faciliter posse, distinguit inter virtus producita per actus directe recedentes ab honestate & rectitudine virtutis supernaturalis, prout est odium DEI, & inter virtus producita per actus directe recedentes tantum à motivo & honestate virtutis naturalis. Prioris generis virtus, dicit, habitus virtutum supernaturalium directe contrarii; hec enī certum est, odium DEI per actum charitatis formaliter expelli; posterioris generis virtus doce non opponi contrarii, saltem directe, Ita Monochosmīc q. 1. n. 16.

CONCLUSIO. *Vitium, quantumvis non directe recedat à motivo & honestate virtutis infusa, habet nibilominus cum ipsa contrarietatem (1.) non quidem directam (2.) sed indirectam, ita Gaudy bic tr. 3. disp. 13. §. I.*

Prior pars est expressa S. D. in 4. diff. 14. q. 2. a. 2. ad 4. dicentis. *Dicendum, quod sicut in 3. L. diff. 13. est, virtus infusa & acquisita non sunt eijsdem specie: unde cum habitus ex frequentia operum peccati generatus, virtus acquisita contrarie virtus fit, non contrariatur directe virtutis infusa, quia habet oppositionem cum peccato ex parte illa, quia est offensio DEI, unde non oportet, quod sicut virtutibus infusi restitutis, habitus virtutum est litter solam, quamvis impediatur, & diminuatur. Hęc S. D. Unde formatur duplex ratio: Contrarietas directa non est nisi per ordinem ad unum idemque formale objectum; sed non est*

unum idemque objectum formale virtutis acquisita & infusa, siquidem specie distinguuntur; cum virtus acquisita habeat motivum honestatis ex lege & ratione naturali derivata, infusa vero motivum honestatis derivata ex lege supernaturali, & regulata per lumen fidei: ergo non potest virtus exercere directam contrarietatem adversus utramque virtutem. Contra quam igitur pugnat? Contra illam, à cuius motivo directe recedit, & hæc est virtus acquisita.

Secundò. Illi virtuti directe contrariatur virtus, cum cuius motivo directe pugnat actus viti: habitus quippe sunt propter actus, & ab illo proxime specificantur: atque actus viti: directe pugnat cum motivo virtutis acquisitæ, non infusa: ergo non virtuti infusa, sed acquisitæ directe contrariatur.

7. Altera pars æquè probatur auctoritate & ratione S. D. Inter illos habitus intercedit aliqua contrarietas indirecta; cùm enim sint inter se incompossibilis, debet illa incompossibilitas reduci ad aliquid genus oppositionis; nec potest facile ad aliud reduci quām positivæ contrarietatis, siquidem utrumque extreum est.

Confirmatur primò. Virtus, quæ diminuit habitum viti: habet aliquam oppositionem contraria cum illo: sed virtus infusa per suum actum tametsi non omnino destruet, diminuit ramen habitum viti: & facit ut si in statu corruptionis, ita affirmante Doctore Angelico q. 1. de Virt. in comm. a. 10. ad 16. Dicendum, quod licet per unum actum simplicem non corrumperetur habitus virtutis acquisita, ramen actus contritionis habet hoc, quod corrumperat habitus viti: generatum ex virtute gratia, unde in eo, qui habet habitum intemperianæ, cùm conteritur, non remaneat cum virtute temperante infusa habitus intemperianæ in ratione habitus, sed in via corruptionis, quod dispositio quadam, dispositio autem non contrariatur habitui perfecto.

Confirmatur secundò. Peccatum avertens hominem ab ultimo fine naturali, indirecte etiam avertit à fine ultimo supernaturali, & vice versa; quia ultimus finis naturalis, quantumvis diversus ordinis, est tamen subordinatus ultimo fini supernaturali, & efficax conversio in finem ultimum supernaturalem est incompossibilis cum aversione ab ultimo fine naturali: ergo patiter inclinatio in peccatum [h. e. vitium] indirecte contrariatur cum inclinatione in actum virtutis infusa: qui est media vel immediata, formalis vel virtualis conversio in ultimum finem supernaturalem.

### §. III.

#### Solvuntur Objectiones.

Objecies primò. Habitus inclinantes in actus oppositos tantum materialiter, sive circa objectum materiale, sub diversis tamen mediis aut

motivis formalibus, sibi invicem non contrariantur: sed vitium & virtus infusa inclinant tantum in actus oppositos, sub motivis formaliter diversis: ergo non contrariantur. Major probatur: Sic habitus erroneus circa physicam demonstrationem rotunditatis terræ, non contrariatur mathematicæ demonstrationi ejusdem: quia licet circa objectum materiale habeant oppositionem, procedunt tamen ex motivis formaliter diversis.

Respond. negando vel dist. Maj. si illa diversitas motivorum sit sufficiens tollere effectus privativæ oppositos, concedo; si non sit sufficiens, sed illos potius causet, nego majorem: & sic distinctione min. nego consequentiam. Unde ad probationem nego assumptum; nam intellectus per habitum erroneum redditur obscurus & incertus de terra rotunditate, per scientiam vero mathematicam efficitur clarus & certus, quia effectus formaliter oppositi non tolluntur sed potius causantur per diversa motiva formalia: prout in simili loquuntur Thomistæ in 2. 2. cùm probent habitus fidei supernaturalis, & scientiæ naturalis circa idem objectum materiale simul in intellectu componi non posse, quantumvis sint diversi ordinis & procedant ex diversis motivis.

Objecies secundò? Contraria sunt, quæ se mutuò expellunt aëdem subiecto, ideoque in gradibus intensis non possunt simul consistere; atque virtus infusa quantumvis in gradu valde intensio consistit in homine recenter justificato una cum victio per actus frequentatos generato & opposito honestati virtutis naturalis: ergo inter se non contrariantur.

Respond. distinguendo majorem. Quæ se mutuò expellunt &c. quando sunt in gradibus intensis tam quoad substantiam, quām quoad modum habitus, concedo; tantum quoad substantiam, nego maj. sed in homine recente justificato reperitur virtus infusa in gradu intensio quoad substantiam habitus, concedo; quoad modum habitus, hoc est, quoad rationem difficulter mobilis, nego: sic & vitium reperitur quoad substantiam in gradu intensio, non autem quoad modum; jam enim, ut docebat Ang. D. cit. est in via corruptionis, est facilis mobile, ideoque habet modum dispositionis. Sed cur virtus infusa in recente justificato non habet modum habitus? Quia propter imbecillitatem subiecti facile amittit potest.

Inquis. Hæc ratione per unicum actum peccati, quo virtus infusa una cum gratia sanctificante expellitur, vitium restitueretur tam quoad modum, quām quoad substantiam habitus, quod videretur absurdum. Respond. Restitueretur per se, quasi dando novum esse, nego sequelam; per accidens, removendo videlicet inclinationem supernaturalem, quā frenabatur illa prava inclinatione, concedo, quod tamen nequaquam est absurdum.